

**BOSNA I HERCEGOVINA
BRČKO DISTRIKT BiH
OSNOVNI SUD BRČKO DISTRIKTA BiH**

Broj: 96 0 K 123705 19 K
Brčko, 19.12.2019. godine

U IME BRČKO DISTRIKTA BOSNE I HERCEGOVINE !

Osnovni sud Brčko distrikta BiH, sudija Ević Sanja uz sudjelovanje zapisničara Brkić Katarine u krivičnom predmetu protiv M. A, zbog krivičnog djela - Ugrožavanje sigurnosti – iz člana 180. stav 2. Krivičnog zakona Brčko distrikta BiH i krivičnog djela – Oštećenje tuđe stvari – iz člana 287. stav 3. u vezi sa stavom 1. Krivičnog zakona Brčko distrikta BiH, na javnom pretresu za izricanje krivično-pravne sankcije održanom dana 19.12.2019. godine u prisustvu tužioca D. Š., optuženog M. A. i branioca advokata Z. D. iz Kancelarije za pravnu pomoć Brčko distrikta BiH, donio je i javno objavio 19.12.2019. godine

P R E S U D U

Optuženi:

M. A. zvani "G.", Bošnjak, državljanin BiH i FBiH, pismen, završio srednju tapetarsku školu, po zanimanju penzioner, oženjen, otac tri punoljetna djeteta, lošeg imovnog stanja, ne vodi se u vojnoj evidenciji, osuđivan: **1)** Presudom Osnovnog suda Brčko distrikta BiH broj 96 0 K 066869 13 Kps od 24.septembra 2013.godine izrečena mu uslovna osuđa kojom mu je utvrđena kazna zatvora u trajanju od 30 dana koja se neće izvršiti ukoliko u roku od 2 godine ne počini novo krivično djelo zbog počinjenog krivičnog djela – Laka tjelesna povreda – iz člana 170. stav (1) u vezi sa članom 31. Krivičnog zakona Brčko distrikta BiH, **2)** Presudom Osnovnog suda Brčko distrikta BiH broj 96 0 K 083157 14 Kps od 13. novembra 2014.godine izrečena mu novčana kazna u iznosu od 500,00 KM zbog počinjenog krivičnog djela – Laka tjelesna povreda – iz člana 170. stav (1) Krivičnog zakona Brčko distrikta BiH, ne vodi se postupak za drugo krivično djelo pred Osnovnim sudom Brčko distrikta BiH,

K R I V J E

ŠTO JE:

Dana 22. maja 2019. godine oko 20,00 sati, u alkoholiziranom stanju, došao u ugostiteljski objekat „Č“ vlasništvo P. I. u ulici Bijeljinska cesta, Brčko distrikt BiH, pa nakon što je poslužen pićem, počeo je upućivati psovke riječima: „Jebem vam srpsku majku“ nakon čega mu je prišla vlasnica P. I. i zamolila da prestane sa uvredama, te da napusti lokal, pri čemu se Irena izražavala ekavskim izgovorom srpskog jezika, kada se M., svjestan navedene činjenice, zbog predrasude koju osjeća prema srpskom narodu, I. obratio riječima „jebem li ti srpsku majku, vratiću se sa dva pištolja, pobiću vas, poklaću vas, noge ću vam osjeći“, nakon čega je izašao iz objekta, u koji se, svjestan i u namjeri da ugrozi sigurnost licima srpske nacionalne pripadnosti unutar objekta P. I., B. I., P. S., P. S. A., R. i M. P., nakon 30tak minuta vratio sa sjekinom i željeznom šipkom, te u namjeri da ošteti ugostiteljski objekat čija je Irena vlasnica, počeo lupati stakla na ulaznim vratima, pri čemu je načinio oštećenja vrata, dok su ga I., S. i drugi onemogućavali da uđe u unutrašnjost, nakon čega se počeo udaljavati i dalje prijeteci da će se vratiti i sve ih pobiti, da bi A., istrajan u svojoj namjeri, nakon izvjesnog vremena, ponovno došao do ugostiteljskog objekta i sa mačetom počeo udarati po ugostiteljskom objektu nastojeći da uđe u unutrašnjost, što su spriječili I. i S., a sa kojim radnjama je prestao tek po ponovnom dolasku Policije

Brčko distrikta, a koje radnje su kod P. I., B. I., P. S., P. S. A., R. i M. P, kao lica srpske nacionalne pripadnosti, izazvale osjećaj straha i bojazan da će ih tjelesno povrijediti ili lišiti života, te kojom radnjom je vlasnici ugostiteljskog objekta P. I. pričinio štetu u iznosu od oko 154,00 konvertibilne marke,

čime je počinio krivično djelo - Ugrožavanje sigurnosti – iz člana 180. stav 2. Krivičnog zakona Brčko distrikta BiH i krivično djelo – Oštećenje tuđe stvari – iz člana 287. stav 3. u vezi sa stavom 1. Krivičnog zakona Brčko distrikta BiH,

pa mu sud primjenom navedenih propisa, te članova 42., 43. i 49. Krivičnog zakona Brčko distrikta BiH,

za krivično djelo - Ugrožavanje sigurnosti – iz člana 180. stav 2. Krivičnog zakona Brčko distrikta BiH **utvrđuje KAZNU ZATVORA u trajanju od 3 (tri) mjeseca,**

za krivično djelo – Oštećenje tuđe stvari -- iz člana 287. stav 3. u vezi sa stavom 1. Krivičnog zakona Brčko distrikta BiH **utvrđuje KAZNU ZATVORA u trajanju od 6 (šest) mjeseci,**

pa ga sud primjenom člana 54. Krivičnog zakona Brčko distrikta BiH,

O S U Ā U J E

NA JEDINSTVENU KAZNU ZATVORA U TRAJANJU OD 7 (SEDAM) MJESECI

Optuženi se oslobađa plaćanja troškova krivičnog postupka.

Oštećeni B. I., P. S., A. R., M. P. i P. S. se sa imovinsko-pravnim zahtjevom u cijelosti upućuju na parnicu.

Oštećenj P. I. dosuđuje se imovinsko-pravni zahtjev u iznosu od 154 KM, a sa preostalim dijelom imovinsko-pravnog zahtjeva se upućuje na parnicu.

O b r a z l o Ź e n j e

Tužilaštvo Brčko distrikta BiH podnijelo je ovom sudu Optužnicu broj T18 0 KT 0013438 19 od 31.07.2019. godine, protiv M. A., kojom je optuženom stavljeno na teret krivično djelo - Ugrožavanje sigurnosti – iz člana 180. stav 2. Krivičnog zakona Brčko distrikta BiH i krivično djelo – Oštećenje tuđe stvari – iz člana 287. stav 3. u vezi sa stavom 1. Krivičnog zakona Brčko distrikta BiH.

Navedena Optužnica potvrđena je dana 07.08.2019. godine.

U toku glavnog pretresa sudu je dana 19.12.2019. godine dostavljen Sporazum o priznanju krivice zaključen između tužioca Brčko distrikta BiH D. Š., optuženog M. A. i njegovog branioca advokata Z. D. iz Kancelarije za pravnu pomoć Brčko distrikta BiH.

U navedenom Sporazumu optuženi M. A. priznaje da je počinio krivično djelo - Ugrožavanje sigurnosti – iz člana 180. stav 2. Krivičnog zakona Brčko distrikta BiH i krivično djelo – Oštećenje tuđe stvari – iz člana 287. stav 3. u vezi sa stavom 1. Krivičnog zakona Brčko distrikta BiH, na način kako je to opisano u Optužnici, te stranke i branilac saglasno predlažu da se optuženi oglasi krivim zbog počinjenih krivičnih djela, te da mu se za krivično djelo – Ugrožavanje sigurnosti – iz člana 180. stav 2. Krivičnog zakona Brčko distrikta BiH utvrdi kazna zatvora u trajanju od tri mjeseca, a za krivično djelo – Teška krađa – utvrdi kazna zatvora u trajanju od dva mjeseca, a za krivično djelo – Oštećenje tuđe stvari – iz člana 287. stav 3. u vezi sa stavom 1. Krivičnog zakona Brčko distrikta BiH utvrdi kazna zatvora u trajanju od šest mjeseci, odnosno da mu se primjenom člana 54. Krivičnog zakona Brčko distrikta BiH izrekne jedinstvena kazna zatvora u trajanju od sedam mjeseci.

Nakon prijema Sporazuma o priznanju krivice sud je dana 19.12.2019. godine ispitao optuženog, koji je u svojoj izjavi naveo da je počinio krivična djela koja su mu Optužnicom stavljena na teret, te opisao način izvršenja krivičnih djela.

Sud je na nesumnjiv način utvrdio da je optuženi izjavu o priznanju krivice dao dobrovoljno, svjesno i sa razumijevanjem, te da je upoznat da se Sporazumom o priznanju krivice odriče prava na suđenje i da ne može uložiti žalbu na kaznu koja će mu se izreći, kao i da je upoznat da može biti obavezan na naknadu štete koju je prouzrokovao izvršenjem krivičnih djela, te na plaćanje troškova krivičnog postupka.

Sud je utvrdio da navodi iz Sporazuma o priznanju krivice nisu dvosmisleni i da postoji dovoljno dokaza o krivici optuženog, te je na osnovu člana 231. stav 5. Zakona o krivičnom postupku Brčko distrikta BiH javno objavio da prihvata Sporazum o priznanju krivice zaključen između tužioca Brčko distrikta BiH D. Š., optuženog M. A. i njegovog branioca advokata Z. D. iz Kancelarije za pravnu pomoć Brčko distrikta BiH.

Na osnovu Sporazuma o priznanju krivice, izjave optuženog, te izvedenih dokaza, sud je na nesumnjiv način utvrdio da je optuženi počinio krivično djelo - Ugrožavanje sigurnosti – iz člana 180. stav 2. Krivičnog zakona Brčko distrikta BiH i krivično djelo – Oštećenje tuđe stvari – iz člana 287. stav 3. u vezi sa stavom 1. Krivičnog zakona Brčko distrikta BiH.

Na pretresu za izricanje krivično-pravne sankcije tužilac D. Š. predložila je da se optuženom izrekne kazna utvrđena Sporazumom o priznanju krivice.

Optuženi M. A. se složio sa prijedlogom tužioca.

Razmatrajući kaznu predloženu u Sporazumu o priznanju krivice, odnosno jedinstvenu kaznu zatvora u trajanju od sedam mjeseci, sud je smatrao adekvatnom težini počinjenih krivičnih djela, te ju je izrekao, cijeneći da će se na taj način postići svrha kažnjavanja iz člana 42. Krivičnog zakona Brčko distrikta BiH.

Na osnovu člana 188. stav 4. Zakona o krivičnom postupku Brčko distrikta BiH sud je optuženog oslobodio plaćanja troškova krivičnog postupka, jer bi njihovim plaćanjem bilo dovedeno u pitanje njegovo izdržavanje.

Sud je oštećene B. I., P. S., A. R., M. P. i P. S. na osnovu člana 198. stav 1. Zakona o krivičnom postupku Brčko distrikta BiH sa imovinsko-pravnim zahtjevom u cjelosti uputio na parnicu.

Oštećenj P. I. sud je dosudio imovinsko-pravni zahtjev u iznosu od 154 KM, a sa preostalim dijelom imovinsko-pravnog zahtjeva sud je uputio na parnicu.

Kako su se stranke i branilac odrekli prava na žalbu, Presuda je pravosnažna 19.12.2019. godine.

Zapisničar,
Brkić Katarina

Sudija
EVIĆ SANJA

PRAVNA POUKA:

Protiv ove Presude žalba nije dozvoljena.